

# Tinkhombandlela tenchwadzi yemfundzi










Bafundza ngelive labo. Basebentisa imiva yabo yekwentimba yekubona, kuva, kunyakata kwentimba, emagama kanye netinsitakufundza kute bente tingcondvo kanye nekucabanga kwabo kube ncono. Lokufundza loku kwentiwa ncono ngalokuchubekako ngekutsi thishela asebentise kahle tinsitakufundza. Tinsitakufundza tiphindze tisite bafundzi kutsi bakhalphise tinkhumbulo tabo nekukhumbula imicondvo labayifundzile. Tinganekwane, tilandzelo netindzaba tisita bafundzi kutsi bavisise babuye futsi bacabange/batakhele sifombe salokutsite engcondvweni. Bafundzi baphindze futsi basitwe tifundvo tekucoca tindzaba lapho khona imphimiso yemisindvo nemagama kutfutukisa silulumagama sabo. Kubalulekile kusita bafundzi lapho khona ticondziso tingaviswa kahle, ikakhulu kutifundvo letimbalwa tekucala. Umfundzisi ukhutsatwa kutsi abe netinsitakufundza nekufundzisa letifanele kute kutsi ente kufundzisa kwakhe kube ncono. Emashadi, tifombe nako kuyasita nangabe sifundvo sifanele kutsi sibe yimphumelelo nobe sifundzise.

## *Khumbula: Emakhono labalulekile ekufundza nekubhala ngunankha lalandzelako:*

1. Imisindvo (kunyakata kwentimba, tandla, tinyawo, imifanekiso, timphawu njll.).
2. Kubona imisindvo letsite emagameni.
3. Kulumbana kwemisindvo, imphimiso kanye nekuhlanganiswa nekwakhiwa kwemagama.
4. Kufundza kwakheka kwemisindvo.
5. Kubhala imisindvo nemagama.

## *Landzela ticondziso kutinkhombandlela tesingeniso*

Letimphawu letingaphansi tentelwe kusita umfundzisi nebafundzi kutsi bente kancono kusebenta ngemphumelelo kwalencwadzi esifundvweni ngasinye-ngasinye.

 Umfundzisi uyafundzisa bese uchazela bafundzi.	 Bafundzi bayakhetsa bese bakhomba emagama.	 Bafundzi bayabhala.
 Bafundzi bayafundza baphindze futsi bawafundze lamagama bese baphendvula imibuto.	 Bafundzi bafuna tintfo nobe emagama.	 Bafundzi badweba tiffombe bese batifaka umbala.
 Bafundzi benta umsebenti.	 Bafundzi bashaya tandla tabo ngesikhatsi babala nobe bahaya silandzelo/benta sigci.	 Bafundzi bayathikha nobe bafake luphawu emphendvulweni labayikhetsile.

## *Singeniso lesimbalwa lesifishane:*

### **Sifundvo se-1: Imvu lelahlekile**

**Umfundzisi/Umsiti:** Ukhomba sifombe semvu bese utsi, “Leligama leli litsi, ‘imvu’”. Leligama linalomsindvo “mv”. Cela bafundzi kutsi basho lomsindvo emvakwako. Bafundzi bafanele kutsi balingise umsindvo lowentiwa yimvu. Bafanele kutsi balingise nendlela imvu lehamba ngayo. Khomba ligama lelitsi “umelusi”. Buta bafundzi kutsi umelusi wentani.

**Umsebenti:** Fundza lendzaba bese uchazela bafundzi. Vumela bafundzi kutsi balingise/ bente lokusamdalo bakhombise lendzaba. Khetsa umelusi kulabafundzi. Chazela bafundzi ngebuhlungu bekulahlekelwa yintfo loyitsandzako. Ungasebentisa tintfo letilula njengesicatfulo, sikhwama setincwadzi tesikolwa nobe sikafutini sekudla kwasemini kukhombisa kutsi kuvakala njani kulahlekelwa yintfo leligugu kuwe. Bafundzi bafanele kutsi babuke kutsi leligama lelitsi “imvu” livela emahlandla lamangaki kulendzaba.

**Lulwimi:** Fundzisa ngetikhatsi tesento letehlukene (Sikhatsi Sanyalo kanye nesikhatsi Lesendlulile). Yehlukanisa liklasi lakho libe ngemacembu lamabili, linye libe lesikhatsi samanje bese kutsi leli lelinye liba lesikhatsi lesengcile. Fundza lemisho bese unika lamacembu litfuba lekusho lemisho emvakwako.

**Kufundza Libhayibheli:** Fundza indzaba leseBhayibheli bese uyachaza lapho kufanele khona. Sebentisa lesikhatsi kutsi uhlabele ubuye uthantaze nabo.

**Kufundza nekubhala:** Bafundzi bacedzela emagama labhalwe ngendlela yemacashati. Bangasebentisa tincwadzi tabo tekubhalela nangabe indzawo ayeneli kulencwadzi yekusebentela. Bafanele kutsi bacale ngekulingisa

kubhala lemisindvo emoyeni, ngetulu kwemadeski, noma nasesihlabatsini nangabe sifundvo sifundzelwa ngaphandle kweliklasi ngembi kwekutsi babhale etincwadzini tabo.

*Umsebenti:* Bafundzise ingoma: “imvu yababe lemnyama”. Ungabafundzisa nanobe nguyiphi lenye ingoma lehambelana kahle nalesifundvo.

## Sifundvo se-2: Luhlavumali lolulahlekile

**Umfundzisi/Umsiti:** Khomba leligama lelisebhokisini, “luhlavumali”. Shano leligama ngemphimiso lefanele bese uvumela bafundzi kutsi balisho emvakwakho. Yenta wona lowo msebenti lofananako kuleligama lelitsi “sibane”.

*Kufundza indzaba:* Khaliphisa kucabanga kwabo. Shaya tandla takho bese ubala ucala ku-1 kuye e-10. “Lomake sewujabulile nyalo”. Kungani ajabulile? Bakhombise kutsi umuntfu lojabulile ubukeka njani. (Sebentisa buso bakho kukhombisa kuba lusizi nekujabula.)

*Lulwimi:* Gcizelela umehluko emkhatsini webunye nebunyenti. Sibonelo: luhlavumali – tinhlavumali.

*Kufaka umbala:* Bafundzi bafanele kutsi bafake imibala kulemidvwebo lesephepheni.

*Kufundza:* Bafundzi kumele bafundze lemisho lesentasi ephepheni.

*Kubhala:* Bafundzi kumele bacedze umsebenti labatawube bawucalile.

*Kufundza Libhayibheli:* Bafundzi bafundza indzaba lefanele leseBhayibhelini bese bayathantaza.

## Sifundvo se-3: Umelusi lolungile

**Umfundzisi/Umsiti:** Khomba sitfombe semphisi bese ucela bafundzi kutsi bakutjele kutsi babona ini. Bafundzi bafanele kutsi basho leligama lelitsi “imphisi” emvakwakho. Bakhombise sitfombe selisango. Phimisa leligama lelitsi “lisango” bese ubacela kutsi balisho emvakwakho. Ufanele kutsi ukhombise leligama ngesikhatsi bafundzi balisho.

*Lulwimi:* Bafundzi kumele kutsi bakhulumisane ngesikhatsi sanyalo nesikhatsi lesitako. Umfundzisi kumele kutsi anike bafundzi tibonele letifanana naleti: Ngidla kudla. Kusasa ngitawudla kudla.

*Kufuna emagama:* Bafundzi bafuna emagama kugridi.

*Kufundza Libhayibheli:* Bafundzi bafundza indzaba lefanele eBhayibhelini bese bayathantaza.

*Kufundza:* Bafundzi bayafundza bese bacedzela kubhala emagama labhalwe ngemacashati.

*Umsebenti:* Bafundzi bayalingisa/benta lokusamdalo mayelana nemphisi.

## Sifundvo se-4: Indvodzana lelahlekile

**Umfundzisi/Umsiti:** Khomba sitfombe sababe bese usho leligama lelitsi “babe” bese ucela bafundzi kutsi balisho emvakwakho. Khomba sitfombe sendvodzana bese usho leligama “indvodzana”; cela bafundzi kutsi basho leligama emvakwakho. Cela bafundzi kutsi basho lemisindvo “b” na “ndv”. Cela bafundzi bakunike emagama lanalemisindvo. Fundza lendzaba bese ucela bafundzi kutsi bayifundze ngemuva kwakho. Kufanele badlale/balingise umdlalo lomayelana nalenzaba. Yenta siciniseko sekutsi bonkhe batfola liifuba lekudlala/kulingisa lomdlalo.

*Lulwimi:* Gcwalisa/Bhala emagama lashodako.

*Umsebenti:* Landzela ticondziso.

*Kufundza:* Fundza imisho.

*Kubhala:* Cedzela lamagama labhalwe ngemacashati.

## Sifundvo se-5: Ngubani lekufanele kutsi ngimsite

**Umfundzisi/Umsiti:** Khomba sitfombe sembongolo bese ucela bafundzi kutsi bakutjele kutsi babona ini. Kumele basho umsindvo “mb”. Bakhombise sitfombe semphristi bese ubacela kutsi bakutjele kutsi yini labayatiko mayelana nalomsebenti. Fundza indzaba.

*Umsebenti:* Vumela bafundzi kutsi badlale umdlalo balingise lendzaba. Bachazele ngekubaluleka kwekuba bomakhelwane labalungile.

*Lulwimi:* Bafundzi bafanele kutsi bakhetsise imphendvulo lengiyo bese benta ithikhi eceleni kwayo. Behlukanise ngemacembu lamancane bese ubacela kutsi baphendvule imibuto. Cinisekisa kutsi onkhe emacembu atfola linani lelilinganako lemibuto.

*Umsebenti:* Kumele kutsi bagcwalise/babhale emagama lashodako.

*Kufundza:* Bafundza imisho.

*Kubhala:* Bacedzela emagama labhalwe ngemacashati.

## Sifundvo se-6: Yenta konkhe lokusemandleni akho ngaso sonkhe sikhatsi

**Umfundzisi/Umsiti:** Khomba sitfombe seluhlavumali bese ubavumela kutsi basho leligama ngemuvakwakho. Bavumele kutsi bakhulume ngetinhlavumali bese ubabuta imibuto. Chazela bafundzi leligama “tisebenti”. Shano leligama bese uvumela bafundzi kutsi balisho ngemuva kwakho.

**Kufundza:** Khombisa letitfombe kanye nemisho lehambelana nato bese uvumela bafundzi kutsi bafundze lemisho. Ncoma umsebenti lowentiwe kahle ngekutsi ubanike tinkhanyeti.

**Kufundza Libhayibheli:** Bafundza indzaba leseBhayibheli bese bayathantaza.

**Kubhala:** Babhala emagama emigceni lengemacashati.

**Lulwimi:** Bagcwalisa/Babhala emagama lashodako. Bacondzanisa emagama nemanani lahambelanako.

Tindlela tekwenta lulwimi lube ncono:

- Bafundzi babhala ngeminwe yabo emoyeni nasesihlabatsini.
- Bahlembisa imisho ngekulandzelana kwayo.
- Imibuto: Buta imibuto lena kuphi? Nini? Kungani? Kanjani na-yini?
- Timphawu nenshokutsi yato: sibonelo sesiphambano lesibovu nalesikushoko. Sisho kutsi “cha”. Umfundzisi angaletsa timphawu letinengi taloluhlobo, akhulumisane nebafundzi ngato bese uyatichaza kutsi tisho kutsini.
- Emashadi emagama nemashadi aselubondzeni.
- Kushaywa kwetandla nekubala imisindvo.
- Emakhadi ekukhombisa/emafleshikhadi.
- Kudvweba.
- Kucedzela imisindvo.
- Kubala: Bafundzi babala imisho kanye nemigca lesenzabeni. Umfundzisi kumele abute imibuto lefana nalona, “Ngumuphi umsindvo wekucala newekugcina kuleligama?”
- Bafundzi bacoca indzaba labayifundzile noma labake bayiva icocwa.
- Bafundzi bafundza ngekuhlanganyela nathishela.
- Bafundzi banaka imphimiso yemagama lengiyo.
- Bafundzi bafundziswa kusebenta ngemacembu.

**Caphela:** Ungajakeli kubona bafundzi bakho bakwati kufundza futsi bafundza ngalokushelako. Bani nesineke futsi ubukisise lizinga labakulo. Gcila kuloko labakhona kukwenta nganobe ngusiphi sikhatsi bese wetama kwakhela kuloko kute kutsi ubafundzise leminyane imicondvo ngesikhatsi batfufuka. Kombisa kutfokotela loko labakhona kukwenta. Loku kutawenta kutetsemba kwabo kutsi kube ncono kuphindze futsi kukhuphule lizinga lelikhono labo lekwenta lokunye lokunyenti.

## Sifundvo se-7: Kuhlanyela inhlanyelo

**Umfundzisi/Umsiti:** Bafundzi bafundza ngesikhatsi sanyalo nesikhatsi lesengcile. Khutsata bafundzi kutsi bakhe imisho ngaletikhatsi tesento totimbili ngaloko labakufundzile.

Bafundzi bakhuluma ngendzaba yemhlanyeli, tinhlanyelo netindzawo letehlukene lapho inhlanyelo yawela khona.

- Endleleni
- Emadvwaleni
- Emanyeveni
- Emhlabatsini lovundzile

Chazela bafundzi ngesifundvo sekutiphatsa lesitfolakala kulendzabasibonelo.

Cala ingcoco lemayerelana nekuhlanyela:

- Lutsandvo
- Umusa
- Kwetsembeka

Yenta siciniseko sekutsi bonkhe bafundzi bayahlanganyela kulengcoco. Bakhutsate kutsi baye emakhaya akubo bacale kutilimela tabo tingadze tetibhidvo. Bachazele kutsi bangatilima babuye batinakekele kanjani tingadze tabo.

## Sifundvo se-8: Tihlahla letikahle titsela titselo letikahle

**Umfundzisi/Umsiti:** Bafundzi baphendvula imibuto lebutwe encwadzini. Ungababuta naleminyane imibuto lehambelana naleyo lesencwadzini lengekho encwadzini. Kumele banikete timphendvulo letibo “Yebo” nobe “Cha”.

**Ingcoco:** Bafundzi abacocisane ngesihlahla lebesesitogecwa. Kumele bachaze tizatfu letenta kutsi lesihlahla sifanelwe kugecwa. Kubalulekile kutsi bonkhe bafundzi batfole ematfuba lalinganako ekutsi bakhulume.

**Umsebenti:** Khutsata bantfwana kutsi badvwebe sitfombe sesihlahla, basifake emagala, emacembe netitselo. Bancome ngesikhatsi beta kuwe baletsa imisebenti yabo.

**Kubhala:** Bafundzi baphindze babhale emagama labhalwe ngemacashati.

## Sifundvo se-9: Yakha indlu yakho edwaleni

**Umfundzisi/Umsiti:** Bafundzi benta umsebenti lesewuvele usetincwadzini tabo. Ungaphindze futsi ubanike imisho lengekho etincwadzini tabo. Bakhutsate kutsi batakhele yabo imisho. Bacocele ngendvodza lesiwula leyakha indlu yayo esihlabatsini.

**Kukhuluma:** Bacocisana ngetinhlobo tetindlu letehlukene kanye nekuphepha kwato.

- Emalonto
- Emathende
- Imikhukhu
- Tindlu letakhiwe ngetitini
- Tindlu letakhiwe ngetingodvo
- Tindlu letifulelwe

**Umsebenti:** Basebentisa emabhokisi eticatfulo, emakhadibhokisi, iglu/sinamatselisi, tikelo kanye naletinye tintfo kute kutsi bente lomsebenti.

**Kuhlabela:** Bafundzise ingoma lemayelana nendvodza lehlakaniophile.

**Kubhala:** Bacedzela emagama labhalwe ngemacashati.

## Sifundvo se-10: Emantfombatana lalishumi

**Umfundzisi/Umsiti:** Fundzela bafundzi lendzaba bese ubachazela sifundvo sekutiphatsa lesitfolakala kulenzaba. Ungakhetsa bafundzi labalishumi bese ubakhutsata kutsi bente umdlalo ngalenzaba leseBhayibhelini losandza kuyifundza. Kumele bakhe tibane basebentisa emaphepha nemakhadibhodi.

Chaza emagama latfolakala kulenzaba. Loku kungafaka ekhatsi lamagama lalandzelako:

- Kuhlakanipha
- Kuyenga/kukhohlisa
- Kushona phansi/kujula
- Umkhwenyana
- Umshado

**Umsebenti:** Khutsata bafundzi kutsi bakhe emawashi ekugaba emkhonweni bese bafaka imikhono/tintsi kuwo.

**Lulwimi:** Kumele bakhulume ngemagama lamasha lebatwofole nakufundwa lesifundvo. Bangakhuluma ngesilulumagama semagama lahambelana nalawa labatwofolile noma angatfolakali kulenzaba.

**Lulwimi:** Coca nebafundzi ngabomabitwafanana/bomcondvomnyenti bese ubavumela kutsi bente lomsebenti lolandzelako.

1. (a) Imfuyo  
(b) Tinwele letimhlophe letikhombisa kukhula
2. (a) Kudla  
(b) Umntwana lotetemiswako
3. (a) Litulu  
(b) Kukhala kakhulu kwehle tinyembeti letinyenti

Bafundzi batawutibhalela yabo imisho. Yihlole kutsi imisho leyemukelekako.

**Kubala:** Kufanele bente umsebenti wekubala losetincwadzini tabo.



Ungajaki kucedza lencwadzi. Ufanele kutsi ubabeketelele bafundzi bakho nangabe utfola kutsi lizinga labo kanye nesivinini sabo sekuvisisa sishaya ngelunyawo lwelunwabu. Yetama kusebenta ngekuya ngesivinini sabo. Ungakhohlwa kukhutsata nekuncoma imitamono nenchubekelembili labayentako, akunandzaba kutsi mincane kangakanani. Ungakhohlwa kutsi bafundza ngekudlala nekuthantaza!